



Saksmappe: 2022/99
Sakshandsamar: SLS
Dato: 10.02.2026

Saksframlegg

Utv. Saksnr.	Utval	Møtedato
	Planutval	16.02.2026
	Kommunestyret	26.02.2026

Grovsiling av innspel til sti- og løypeplanen

Kommunedirektørens si tilråding

Kommunestyret sluttar seg til grovsiling av innspel til ny sti- og løypeplan, slik det kjem fram av vedlagt dokument «Grovsiling av innspel til sti og løypeplanen» og med grunnlag i administrasjonen sine vurderingar.

Saksutgreiing:

Samandrag/konklusjon

Innspela til sti- og løypeplanen er vurdert etter kriteria kost/nytte, omsyn til villrein, tilrettelegging for nærturar, samanbinding og oppgradering av eksisterande tur- og løypenett og attraktivitet. Dei innspela som blir silt bort i denne omgang, blir ikkje tatt med vidare til konsekvensutgreiing og vidare vurderingar.

Eksisterande turvegane og løyper som ligg i gjeldande sti- og løypeplan, vil også bli vurdert basert på ny kunnskap og nye føringar i det vidare planarbeidet.

Bakgrunn for saka

Planprogrammet for revidering av kommuneplanen sin arealdel seier at planarbeidet skal inkludere revidering av sti- og løypeplanen.

Det har kome innspel til endringar over fleire år. Arbeidet med revideringa av sti- og løypeplanen starta i september 2025. Invitasjon til å kome med innspel vart annonsert med frist 1. desember 2025. Totalt har det kome inn 73 innspel. I tillegg er relevant innhald frå møtereferat i andre prosessar tatt med. Det er også nokre innspel frå administrasjonen. Sidan det er så mange innspel, så er det nyttig å gjere ei grovsiling for å avgrense omfanget av det vidare planarbeidet.

Det vedlagte dokumentet «Grovsiling av innspel til sti og løypeplanen» gir ei sortert oversikt over dei innkomne innspela. Innspela som omhandlar same tiltak eller trase, er gruppert saman. Eit innspel kan omhandle fleire tiltak.

Prosjektgruppa har gjort ei grov prioritering av dei fleste forslaga til tiltak eller tur- og løypetrase. Prioriteringa kjem fram i den siste kolonnen i skjemaet. Prosjektgruppa består av representantar frå politiske råd og utval, idrettslag, grunneigarrepresentantar, næringslag, Destinasjon Hovden, løypelag, ressursgruppa for hyttevelforeiningane og administrasjonen.

Dokumentet syner administrasjonen si vurdering av forslag til tiltak, og om tiltaket er foreslått tatt med i det vidare planarbeidet eller ikkje. Dette dokumentet ligg til grunn for kommunedirektøren si tilråding.

Detaljert informasjon knytt til innspela finn de i dokumentet «Alle innkomne innspel».

Grovsilinga er vurdert etter kriterium som kost/nytte, omsyn til villrein, tilrettelegging for nærturar og utfartsområde, samanbinding og oppgradering av eksisterande tur- og løypenett og attraktivitet. Dei innspela som blir silt bort i denne omgang, blir ikkje tatt med vidare til konsekvensutgreiing og vidare vurderingar. I det vidare arbeidet blir fleire kriterium lagt til grunn som eksempelvis naturfare og naturtype.

Eksisterande turveggar og løyper som ligg i gjeldande sti- og løypeplan, vil også bli vurdert i det vidare planarbeidet basert på ny kunnskap og nye føringar. Det kan i den vidare prosessen også bli tatt inn andre tiltak i planforslaget basert på ny

kunnskap som for eksempel nyleg gjennomført spørjeundersøking blant ungdommane.

Formelt grunnlag

Plan og bygningslova § 11-5 Kommuneplanen sin arealdel

Økonomiske vurderingar og konsekvensar

Ikkje vurdert som relevant i denne saka.

Tilhøve til kommuneplanen

Følgjer opp vedtatt planprogram for kommuneplanen sin arealdel.

Konsekvensar for folkehelse

Revidering av sti- og løypeplanen bidrar til fokus på og tilrettelegging for attraktive ferdselsårer både for fastbuande og tilreisande. Fokus på utfartsområde både sommar og vinter og universell tilrettelegging utvalde stader bidrar til enkel og trygg bruk av tur- og løypenettet for alle. Nærturar og variasjon i tilbodet i heile kommunen er eit mål i planarbeidet.

Bykle,

kommunedirektøren

Vedlegg:

Vedlegg:

- 1 Grovsiling av innspel til sti og løypeplanen
- 2 Alle innkomne innspel

Melding om vedtak blir sendt til: